

寧武府志卷之三

城池

明既定天下廣斥邊境雁門以北皆為屯戍兵民繕
牧河套中是時寧武之地外有藩屏故雖處塞墻
而城守保築之事蓋少其最始見者唯寧化偏頭
二所而已自洪武二十六年捨唐受降城之舊而
衛東勝已失二面之險至永樂初又撤東勝以就
延綏于是外險盡失與敵近接天順六年蒙古部
入居套內其後邊患屢至偏頭寧武之間時時突

武府志

卷之三

城池

一

擾以及于崞嵐五寨當事者乃益議置兵設險以
自固由成化至萬 版籍日興城堡相望所以計
阨塞禦戎馬備攻圍謀保聚者衆矣今邊延晏然
既為四縣多因其池隄之故而少所增廓然春秋
之法尤重城築固不可以不備書而凡明之建堡
築屯以重邊防者於郡又有所繫故并列大要其
不築于官與非乘障所急亦畧勿具存

寧武府城

縣倚郭

築于成化二年初為關城巡撫都御史李侃請

古寧化軍口置關設都指揮領軍守備乃以是年
丁亥三月始事明年四月城訖以總兵鎮之遂爲
鎮城城北踞華蓋山因其高而俯其東南西三面
周四里許基五丈面廣半之高三丈有奇門其
西南三面而閉其北東門曰仁勝西曰人和南曰
迎薰上建重樓治十一年巡撫魏紳拓廣之周
七里一百二十步增埤五尺加闢北門亦建飛樓
于上名之曰鎮朔城狹于南北長于東西其形科
楹望之若敷巾幅然然皆土築萬一元年巡撫趙

寧武府志

卷之三

城池

二

某議包以石益加增高連女墻四丈二尺然未果
行至三十四年寧武道郭光復始甃以磚又築東
西關城皆磚甃共長一千七十餘丈高三丈五尺
西關門曰永寧其南出者曰阜財東關門曰久安
其南出者曰解愠下有甃先是萬二二年寧武守
備某築護城墩于城北山上方廣二十八丈高二
丈爲基其上爲臺臺上爲樓三重樓外列堞二十
四登之可眺百里臺下周以磚墻直一丈環廣四
十丈墻上刻梁四斗屹然與城表裡巡撫魏允貞

所使也今樓梁已廢一國朝置府城因其舊寧武
營在焉乾隆六年東關門樓圯知府魏元樞重葺
之顏曰望華並修南北二角樓城南接鳳凰山寧
武人又呼爲鳳城

通志云城築于景泰元年又云成化二年建景
泰至成化改元相去幾二十載何自牴若此三
關中路圖云寧武關城正統己巳築夫方正統
時關尚未置何有築城卽因事土築亦當他有
所名必無預爲寧武之稱者且李侃請卽古寧

寧武府志

卷之三

城池

三

武軍口置關亦絕無少及景泰時事是寧武城
于成化初始築無疑矣又寧武先時本屬崞縣
崞志載設關築城訖工于成化二年亦初無景
泰之說殆爲實錄可以指証中路圖通志之誤
至趙巡撫于萬元年議包磚石郭光復于三
十四年發磚通志兩載之魏志遂謂或趙于元
年已包甃某某方其餘尚有未甃者故三十四
年郭復甃焉然今寧武城皆裹磚無石而高亦
僅三丈有餘與趙巡撫云云殊不相比以觀其

之蓋趙在當時不遇敵欲如此實未嘗致功也
之甃磚爲固以至今日者則皆郭兵使所遺成
績耳

寧武在羣山中地庫勢偏登高而視猶井底然
蓋地半天灶之類正兵家所甚忌者明人於此
置關豈爲能擇地利哉雖三關志稱兵使張鳳
狃以其難守復建寧文堡于西山與相犄角然
城之形勢已失使敵陣山上將不攻而自下何
從得收犄角之效耶

護城隄

明時建恢河自分水嶺合諸山泉流經

城南每夏秋時騰奔洶觸迅如建饒乃爲大石

隄繞東南西三面以衛城郭明平陽水利同知

司其事歲加修治往往費至八百金不惜故堤

常完而城恃以固入一國朝司水利者無復至

金亦盡省久之隄盡崩毀水每大作衝嚙城下

城趾漸壞乾隆九年寧武知縣錢之青以告知

府魏元樞共捐資募民數千人循其舊跡爲土

隄四百六十丈又築直隄三十六丈備城門之

南樹柳於隄以爲圍且令民得瀦水灌田十二年水尤盛隄潰十五六魏守錢令復捐錢百餘緡補築之且疏河流使得通利復教民歲以土培隄令保長久云

陽方口堡 明嘉靖十八年巡撫陳講築堡爲中路第一衝口地勢平漫十萬騎可成列以進

盤道梁堡 宋之土隘砦也明嘉靖三十二年築置倉有倉使防守之屬萬 二十三年以邊高堡低難守改建于邊內

寧武府志

卷之三

城池

五

夾柳樹堡 在縣東南六十里明正德十一年建

燕兒水堡 在縣東南四十里明正德九年建萬

十五年砌石

鵬窩梁堡 在縣東南六十里明正德十一年建

隆慶二年砌石

朔寧堡 南距寧武城三十里明嘉靖十四年建

小蓮花堡 在縣東南七十里明正德十一年建

寧文堡 在城西一里山上明正德十年張鳳和

築萬 中郭光復砌石

二馬營堡 在縣西南七十里設空心看軍樓一

寧化城 宋嘉祐六年以河西夏人往來隘口乃

立寧化軍因隋汾陽宮城之舊趾廓而築之金

元因焉明洪武二年設寧化巡檢司山西都指

揮常守道帥官軍來屯將舊城六里二百七十

步南邊關廂截去於城東山坡之上隨地形勢

築城二里一百九十七步未完調去五年延安

侯唐宗勝千戶唐成繼成其功城高三丈一尺

濠深一丈城樓六座十一年改巡檢爲寧化守

禦千戶所隸山西都司嘉靖中改隸寧武至萬

曆十四年築土城以磚當改寧化所時設掌印

千戶巡捕城操吏目各一中 有靜樂倉今仍爲

寧化巡檢司

按宋史寧化軍四砦曰西陽腦子細腰窟谷今

並無跡明寧化四堡曰石壩榆會川湖大峪凡

四處共領三十六屯又有十四寨其川湖定河

石佛三分南坪諸堡皆洪武中千戶唐成呂鳳

修所築並已久廢

明洪武二十三年鎮西衛指揮張賢築宣德四年
都督李謙展修正統十四年都督杜忠復增城堞
天順二年指揮袁勝再拓城東面成化六年巡撫
李侃拓其西南 治元年兵使王璿又展廓東面
自是城始寬廣周五里一十八步高連女牆三丈
五尺東西南三面爲門上建重樓至嘉靖中總兵
周尚文祝雄先後修築守備劉隆叅將杜承勛繼
之而護城牆一道則叅將田世威所立者其後兵

使王遊磚甃城東南隅四百餘丈兵使王學謨于
東西南增修益加高厚易睥睨以磚隆慶三年修
于兵使范大儒若磚甃建樓城更一新則萬曆七
年兵使蕭大亨所作也二十六年兵使趙彥增城
南關廂沿河築石壩東面置重閣洞門南門置水
門二其西亦如之由是規制愈壯 國朝因之不
改卽爲今縣城偏關營在焉乾隆十三年知縣陸
剛以東西北三面多圯詳請建修

洪武二十三年太原志作十三年未知孰是

關志云北漢偏頭砦卽今關城又地勢東仰西
伏元改名偏頭關置武節將軍樞密院判守之
張賢改築于西原城近河坪去舊址里許

樓溝堡 在縣南四十里明隆慶二年兵使范大
儒建堡凡新舊兩城三關西路圖云本堡地平
水甘北虜每駐兵于此四散劫掠偏老以南樓
煩以北欲通聲息必藉此堡爲策應

老牛灣堡 明崇禎九年兵使盧友竹建俯瞰黃
河外接套地邊陲要區也堡旣立移兵駐之

老營所堡 在縣東北九十里明正統末都督杜
忠建成之以兵成化十二年侍郎杜銘置廣積
倉其中後巡撫韓邦奇兵使賈啓復展修明給
事中劉東星疏云老營左控平魯右接偏頭陽
方諸口恃爲耳目最稱要害今老營營在焉

賈家堡 縣東一百里明嘉靖末兵使王憲總兵
孫吳建東接雲朔北通五原井西接老營南通
長林烽火爲朔州寧武關鎖

翁萬達以爲外內兩邊之要扼

馬站堡 縣東四十里明正德中兵使張鳳雅建

嘉靖末兵使王遴修明時爲三關游擊所駐

水泉營堡 縣東北七十里明宣德九年都督李

謙建北去大邊紅門口僅二里最當虜衝隆慶

二年設守備堡城東少北爲紅門口附口外少

南有南海子城西南有後海子今水泉營在焉

紅門市口堡 亦明宣德九年李謙建設敵臺洞

橋一座外設邊牆一道壕塹品字窰三層以卒

寧武府志

卷之三

城池

九

二十八人守之司偵望後萬曆中中國與順義

王諸部互市於此

草梁山堡 縣北六十里明治中兵使楊綸建

堡突出崇山直望三十餘里爲沿邊傳烽之首

三關西路圖云萬中草梁山邊外雙墩子黑

松林鷓子溝小井兒諸地皆會首分部住牧其

最近者距邊不過二十五里萬末款貢以前

虜犯邊每由草梁山入

滑石澗堡 縣北七十里亦宣德九年李謙建堡

近傍邊墻有滑石瀾水隆慶三年兵使范大儒
叅將方振重修

神池縣城

明正統十三年置神池口巡檢司有土城址成化
十五年築堡初與利民三岔八角稱四堡城嘉靖
十八年巡撫陳講兵使王鎬以其形勢迫狹乃展
築焉設守備中軍防守神池倉大使各一萬四
年城始甃周五里七十二步高三丈五尺門三東
曰迎曦南曰雄鎮西曰保障上皆有樓設守備一

寧武府志

卷之三

城池

十

今改爲縣卽以堡城爲縣郭神池營在焉而城未
加廓也

利民堡 縣北六十里元達沐河成之故處明成

化十七年巡撫秦紘築以指揮守之嘉靖十八
年中丞陳講設守備建倉萬曆十四年甃石

利民地候極寒不宜五穀唯種麥大豆生焉魏

志云明嘉靖十八年刷神池長賊溫嶺蕎麥川

磨石山之開塹道不通近則蕎麥川口利民堡

並爲孔道矣

八角堡城 明治二年兵使王璿築嘉靖四年
建八角倉六年巡撫江潮拓之萬十五年
明時神池統圪塿壩石湖嶺西溝口諸堡利民
統得勝勒馬蔣峪諸堡八角統乾柴溝野諸長
林諸堡敵騎皆常至焉

五寨縣城

三關西路圖云係明鎮西衛五所大寨地

通志鎮西衛地

嘉靖十八年總兵周尚文始建堡城

西路圖云屯軍屢被寇患

設堡始免

初設守備置倉後改防守增設衛經歷倉使

寧武府志

卷之三

城池

十二

各一居其中萬九年兵使蕭大亨擴其舊制周
西里有餘高三丈五尺厚五尺為東西南三門而
甃之書石表曰五砦城大原高自治碑云為臺十
二樓櫓相望隱如金湯至四十八年大雨城壞防
守俞昌祚修焉暴謙貞紀以碑至一國朝雍正三
年始為今縣城城如明代所築之舊五寨城守營
在焉十二年知縣劉耀珪率民出錢治葺傾圮又
名城東門曰捧暉南曰迎薰西曰秧成五寨志畧
云城四里南北且一里東西三里一分城樓八座

水環三面利資海濱嶺山林木所出民物殷阜
生計塞上一都會也

三岔堡一五寨縣北六十里亦明嘉靖十八年周
尚文築萬三十九年兵備胡來貢斃三岔路當四
達今五寨屯驛馬于此

寧武始惟守禦千戶所署耳既而守備副總兵以次設而兵備同知皆在焉又當初時巡撫防秋亦臨其地戶部主事理餉者御史巡行者並有館廨爲蒞治所若乃衛經歷倉使巡檢之屬衙宇非一蓋事多官衆則署舍繁增至於國朝員缺裁汰或朔新改舊以屬守土其餘或歸圯廢遺者且不知昔之爲何署也夫署者蓄也著其處以示人使知所瞻畏而聽政乎是者亦當顧其地而思其不易

寧武府志

卷之三

官署

三

居今列雍正三年以來刺史縣令之所宅以志官署若其有於昔而今在所廢亦附入焉庶幾前世之遺制餘跡尚得因之以考見云

寧武縣

寧武府署在郡城中少東北七百戶街負山臨遠地勢高爽雍正四年知府鄭瀚建卽故寧武道署之舊改剏爲之府經歷謝廷恕董其事署成規局宏整門屏東西兩坊翼之坊門高廣太守車騎所出入也

士數百人大門三楹正南面啓門入爲儀門自儀門入爲大堂堂前有抱廈堂左爲兵餉庫右爲庫軍房堂下東西吏舍各六東南官廳在焉西南則隸卒夜值者居之儀門外東爲土神祠西庫神廟由大堂而後爲宅門門外左右班房各一門內左右各有房三間皆北向其北爲二堂堂東西屋各三間堂下門東西啓自東門入爲書室五間皆南向復有屋三間北與書室對門由西門入書室二間客廳三間客廳南對者爲琴鶴軒亦爲射廳凡三間射廳之西爲馬廐有井以飲馬有祠屋爲閭者四而庫以祀馬祖自二堂後入門爲知府內宅住房三間東西洞房各二廂房各三門外東西偏房各一又東爲廚最後房五間因山爲趾勢獨高見郭外諸峯房東西屋各三間又夾道中屋二間東如之

府經歷司署在府署外西偏設明兵備中軍署也

後復爲所千總竊雍正四年經廉謝廷魁改建太

堂五間後復爲所千總竊雍正四年經廉謝廷魁改建太

房三間後房三間左有廂房各三間右有
時官多無署經歷司寓民舍而寧武令寄千總故
解中卽今經歷署也後以明時故同知署爲縣署
廷恕始得改爲之

寧武縣署 在城西舊城街人呼所街嘉靖二十六
年初設寧武通判萬曆三十七年改設同知其署
則設通判時所建者康熙三十二年改爲太原中
路同知署中路廳張大典重修雍正三年中路同
知移偏關遂以爲縣署大堂三間堂東西吏舍各

寧武府志

卷之三

官署

五

七間堂南儀門五間儀門內大門三間門外照壁
一東西柵門二大堂後二堂五間堂東爲班房西
爲庫二堂後三堂三間佐房五間其東書房五間
東西配房各三間其西門房前後各三間又西仕
房六間餘房四間廂房在大堂東箭道在大堂西
廡有馬神廟

典史署 在縣署大門內東偏

寧化堡巡檢署 在寧化城南門內

三十一一年移副將于殺虎口其署遂空雍正四年
利民叅將移駐府城入居鎮署則今叅將之署也
大堂五間東西架閣房各五間大門三間門內夜
役房二間正面牌坊一座東西轅門二照壁一二
門七間軍牢房一間二堂五間住房七間東西廂
各五間大書房三間內書房三間箭廳五間大箭
廳三間馬神土地祠各三間東西轅門鼓角樓各
三間官廳一座旗牌廳三間

寧武府志

卷之三

官署

十六

中軍守備署 在頭百戶街卽明守備舊署大堂三

間東西架閣房各三間軍牢房一間大門三間照
壁一東西柵坊二大門內東南隅望樓一二門三
間內丁房二間大堂之左爲二堂凡三間過廳一
間書房四間住房五間東西廂各三東北角樓一
旗牌廳一夜役房六間軍器庫三間在火神廟舊
明時寄設于此今如之

公所附

在城內正北故隆慶四年知府魏光樞建

郡官胡贊觀題之所允極有文韻之

試士院 在七百戶街參將署東其地爲明巡按察院故址雍正五年知府郎瀚同知董泗儒知縣江楊瑁邵士楷高人傑與五學生員捐金共建爲提學使者校試之署

萬億倉 在城北鎮朔樓前明萬曆中設以儲軍食有倉數十楹今止存新舊廩二十一間貯穀石外倉神廟三間倉大使署在倉前今已廢

寧化倉 在寧化堡內倉副使久裁署廢以巡檢

寧武府志

卷之三

官署

七

司之

義倉二所 一在城中一在寧化乾隆十二年卯縣錢之青捐設

教場 在城東關外演武廳五間明時有兵備使者榜之曰嚴翼堂左右角設樓及大纛所樹之臺規制皆壯嘉靖中所築也乾隆九年參將馬佐邦重修

古廢署

戶部分司署初明葉樂開以戶部主事一員來

屯衛糧備後不常設至嘉靖中復置且令三年
一更代隆慶萬曆間歷官者薛亨李修吉並著
清聲舊有分司署在郡城內後廢郡人卽其地
爲廟以祀周遇吉

寧武守禦千戶所署明時官署最古者今失所在
偏關縣

駐劄偏關寧武府鹽捕同知署 在偏關縣署西北
本明西糧廳署與偏寧道署同時建于嘉靖己未
歲順治十七年同知錢奇嗣康熙四十七年同知
寧武府志 卷之三 官署 六
朱瑾先後重修雍正三年改寧武府同知署

偏關縣署 在縣城之中明成化十二年掌印指揮
李剛建爲所署西有吏目公廨嘉靖及崇禎中增
飾有加至一國朝而署空雍正三年改縣署焉知
縣江楊瑁等修

典史署 在縣治之南雍正七年知縣江楊瑁建
老營巡檢署 在堡內

偏關叅將署 在城西偏明成化二十三年兵備王
明建嘉靖間總兵一在嘉靖叅將之設在成化十

八年而偏關先有副總兵至嘉靖中以副總兵爲
總兵官駐寧武卽以總兵署爲叅將署乾隆四年
署叅將楊贊重修

中軍守備署 在縣治西乾隆三年知縣賴廷捷以
古署之久廢者改建焉

偏關老營堡叅將署 在堡城內西街仍明舊署乾
隆五年重修

魏志云明正德八年置游擊將軍駐老營嘉靖
二十年改置分守叅將遂成重地至今因之

寧武府志

卷之三

官署

先

中軍守備 仍明舊署乾隆七年修

偏關水泉營游擊署 在堡內東北隅

水泉營千總署 在堡內

草梁山把總署 在本堡中

滑石澗把總署 在本堡中

保德倉 在縣治北舊置廩八十間今共新建廩

止三十餘間貯屯糧并探買穀石

義倉 在道署廢址乾隆十一年知府魏元樞

縣陸剛尚建

社倉 在大倉內正五年知縣汪揚瑞建
廣積倉 在老營堡明成化十二年侍郎杜銘所
建

馬站倉 在馬站堡內

古廢署

兵備道署 初為鎮守太監所居明成化十七年
守備戴廣建正德十三年九月武宗西幸榆林
駐蹕其中嘉靖中始改為按察分司署即故偏
寧寺嵐二兵道署也康熙六年省兵道署遂虛

寧武府志

卷之三

官署

三

三察院署 一在縣治西為明時三院巡閱行署
今唯後樓尚存一為東察院在城東南設以待
督撫總鎮防秋來駐者一為後察院明巡按行
署也在西糧署東今並廢

監收廳 在西糧廳署內之右明成化十三年建
設官以收稅課者

西盈庫 在同知署左

軍器局 在縣治西

夷館 城內西關各一萬曆中建以居夷人之來

降及入貢者

接官亭在城南五里成化中戴守備建即羅漢坪地也上並廢

神池縣

神池縣署在城內東新街雍正三年設縣雍正六年知縣汪志備建署

典史署在縣署內西偏

神池都司署在縣署西中街

縣倉在縣署西北為屋二十五舊有大使一人

寧武府志

卷之三

官署

三

汰于雍正五年

義倉在明察院行署廢址文昌祠中知縣李識

蒙設

神池利民堡都司署在堡東門內

利民把總署在堡內

神池八角堡都司署在堡內東北

利民倉在堡城內

八角倉在堡城內

五寨縣

五寨縣署 在城西門內明洪武七年建鎮西衛城
左右中前後五所爲五寨堡萬曆中廓左所堡城
而燹之卽今五寨縣城也縣始于雍正三年至六
年而縣令猶居民舍明年己酉知縣張國正始營
度官地建立新署頗稱宏敞足爲聽政之所矣
典史署 在南大街亦張國正建

五寨城守營署 在東大街明時指揮守備衙也
三岔堡把總署 在堡內

廣盈倉 縣南門內明嘉靖開建預備倉在其中

寧武府志

卷之三

官署

三

新倉 在城西南乾隆八年知縣劉耀珪所建

屯豆倉 在三岔堡內東北隅明時建

古廢署

故察院署 在十字街之西明時建年久傾廢雍

正丁未歲知縣張國正以其地改建學宮

明鎮西衛經歷署 隆慶中建今失其址